

Christus ist von Maria der jungfrauen ge-
born/ Darumb ist er ein lauter natürlicher
mensch. Zum andern/so ist's auch natürlich/
das nicht mehr denn nur ein Gott sey / wie die
Türcken noch hentigs tages darauff stehen/
vnd sagen/ Wie nur eine welt/ eine Sonn ist/
also ist auch nur ein Gott. Item/ ein Regi-
ment / sol nicht mehr denn ein heubt haben/
Da stehen sie auff / vnd kurzumb/ wer anders
leret/ mus vnrecht haben.

Dis ist nu ein gedancken/ der der vernunfft
leichtlicheingehet/ vnd sonderlich denen/ so im
wort nicht wol geübet sind/ Wenn nu solcher
gedanck gefasset ist / darnach flugs inn die
schriffte geloffen/ Da findet Arius/ das Mose
sagt/ Israel/ dein Gott ist ein einiger Gott/
Item/ Jesus Syrach spricht cap. 24. Die
Weisheit sey geschaffen &c. Da ist Ari-
us gar gefangen / vnd richtet an auff sol-
chen dunckel / den greulichen / grossen ja-
mer/ vnd beredet die leute / das Christus nicht
warhafftiger / natürlicher Gott sey. Con-
stantinus der Keiser hette gern gewehret/ griff
auch Arium an/ vnd verwiese in aus dem lan-
de/ das er nicht mehr solt predigen/ Aber der
Teuffel macht in balde wider los / vnd halff
getrost dazu/ das sein gifft ihe lenger ihe weis-
ter ausgebreitet ward / das es endlich da hin-
kam/ das zur selbigen zeit/ nicht mehr im gan-
tzen Orient / denn zween Pfarherr oder Bis-
schone